

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj:49/06 i 51/09), člana 81. Statuta Općine Novi Grad Sarajevo – prečišćeni tekst (Službene novine Kantona Sarajevo», br.30/09.- novi prečišćeni tekst i 2/17) i Strategije razvoja Općine Novi Grad Sarajevo do 2020. godine, Općinski načelnik d o n o s i

ODLUKU

o uspostavljanju Lokalnog partnerstva za zapošljavanje

Član 1.

(Predmet Odluke)

Ovom Odlukom uspostavlja se novi institucionalni mehanizam – Lokalno partnerstvo za zapošljavanje (LPZ), utvrđuje se način upravljanja i funkcionisanja, struktura, ciljevi i zadaci, način pristupanja i druge odredbe bitne za neometano funkcionisanje LPZ-a.

Član 2.

(Sastav i struktura LPZ-a)

Sastav:	Struktura:
<ul style="list-style-type: none">• Javni sektor• Općinsko vijeće• Obrazovni sektor• Poslovna zajednica• Nevladine organizacije	<ul style="list-style-type: none">- Privredni/Poslovni savjet- Institucionalno partnerstvo- Partnerstvo u okviru projekata- Partnerstvo kroz aktivne mjere za zapošljavanje- Strateška partnerstva

Član 3.

(Cilj i aktivnosti LPZ-a)

CILJ

Doprinijeti lokalnom ekonomskom razvoju unapređenjem ambijenta za poslovanje, investiranje i zapošljavanje

AKTIVNOSTI

- Saradnja lokalnih zainteresovanih subjekata u procesu donošenju odluka
- Održivost BFC certifikata
- Učešće u kreiranju lokalnih strategija i akcija za razvoj i zapošljavanje
- Sistemski pristup lokalne zajednice za podršku lokalnom zapošljavanju i mjerama lokalnog ekonomskog razvoja
- Jače i aktivnije partnerstvo među lokalnim akterima za zapošljavanje
- Efikasniji model za adresiranje pitanja vezanih za zapošljavanje donosiocima odluka
- Koherentan lokalni plan zapošljavanja koja uključuje participativno učešće
- Integracija regionalnog i nacionalnog nivoa sa lokalnim mjerama u cilju ispunjenja specifičnih lokalnih zahtjeva
- Efikasnije planiranje i raspoređivanje podsticajnih sredstava za zapošljavanje
- Promocija dualnog obrazovanja
- Podrška investiranju vezanom za zapošljavanje
- Podrška investiranju u poslovnu infrastrukturu
- Inicijative za unapređenje normativnog okvira u oblasti zapošljavanja
- Povećanje broja zaposlenih i smanjenja nezaposlenosti
- Inicijativa za usklađivanje procesa obrazovanja sa potrebama tržišta rada na dugoročnom nivou
- Privlačenje ljudi sa novim iskustvima i vještinama i različitim aspiracijama na tržištu rada, uz adresiranje potreba posebno marginaliziranih grupa
- Kreiranje potpuno novih radnih mjesta ili razvijanjem novih sektora u lokalnoj ekonomiji
- Osiguranje bolje ravnoteže poslovnog i privatnog života u lokalnoj ekonomiji
- Kreiranje lokalne kulture cjeloživotnog učenja i omogućavanjem prilagođavanja tehnološkim promjenama

- Podrška samozapošljavanju
- Stipendiranje deficitarnih zanimanja
- Povećanje mogućnosti za sticanje praktičnog znanja i vještina
- Jačanje institucionalnih razvojnih kapaciteta o
- Jačanje konkurentnosti lokalne privrede

Član 5.

(Upravljačka funkcija, djelovanje, komunikacija)

LPZ-om će upravljati Općina Novi Grad Sarajevo putem Službe za privredu i lokalni ekonomski razvoj. LPZ prioritetno djeluje na teritoriji općine Novi Grad Sarajevo, ali sa tendencijom postizanja ciljeva od šireg značaja. Sastanci Privrednog/Poslovnog savjeta u okviru LPZ-a će se održavati minimalno tri puta godišnje, a sastanci LPZ-a u punom sastavu po potrebi, a minimalno jednom godišnje. Komunikacija između partnera odvijat će se putem e-maila, telefona ili redovnim sastancima. Poslovnik o radu i procedurama LPZ-a donosi Općinski načelnik na prijedlog Službe za privredu i lokalni ekonomski razvoj. Vidljivost informacija o radu LPZ-a bit će dostupna putem zvanične web stranice LPZ-a. Shodno članu 2. ove Odluke, LPZ-u mogu pristupiti institucije/organizacije/preduzeća koje mogu doprinijeti ostvarenju zadatih ciljeva LPZ-a, potpisivanjem Sporazuma o partnerstvu uz verifikaciju Rukovodioca Službe za privredu i lokalni ekonomski razvoj. Svako partnerstvo u okviru strukture iz člana 2. imat će koordinatora koji će biti imenovani također od strane Općinskog načelnika.

Član 6.

(Privredni/Poslovni savjet)

Privredni/Poslovni savjet LPZ-a čini 10 do 15 članova, shodno definisanom sastavu u članu 2. ove Odluke. Savjet ima Predsjednika, Koordinatora i članove. Savjet imenuje Općinski načelnik na prijedlog Službe za privredu i lokalni ekonomski razvoj. Članovi će biti odabrani na osnovu realizovanih mjera aktivne politike zapošljavanja u prethodnim godinama i tekućim potrebama ove lokalne zajednice u ovoj oblasti. Mandat članova Savjeta je 2 (dvije) godine sa mogućnošću produženja.

Član 7.

(Funkcionisanje LPZ-a)

Funkcionisanje LPZ-a kao institucionalnog tijela obezbijedeno je kroz redovni Program rada Općine Novi Grad Sarajevo, odnosno Službe za privredu i lokalni ekonomski razvoj. U članstvo zainteresovani subjekti pristupaju dobrovoljno, putem pristupnice. Verifikaciju članstva u LPZ-u vrši Pomoćnik načelnika Službe za privredu i lokalni ekonomski razvoj. Članovi LPZ-a nemaju finansijsku naknadu. Kod utvrđenih potreba za finansiranje određenih aktivnosti LPZ-a bitnih od značaja za ekonomski razvoj i zapošljavanje, sredstva se obezbjeđuju iz namjenskih sredstava Budžeta Općine Novi Grad Sarajevo ili kroz apliciranje prema dostupnim domaćim i međunarodnim fondovima. Službenu evidenciju vodi nadležna Služba.

Član 8.

Stupanjem na snagu ove Odluke, prestaje da važi Odluka o formiranju Privrednog/Poslovnog savjeta Općine Novi Grad Sarajevo br. 02/03-28-4231/16 od 11.02.2016. godine, kao i Rješenje o imenovanju članova Privrednog/Poslovnog savjeta br. 02/03-28-5328/16 od 23.02.2016. godine.

Član 9.

Ova Odluka sačinjena je u tri (3) istovjetna primjerka i stupa na snagu danom objavljivanja u Službenim novinama Kantona Sarajevo.

Broj: 02/03-05-2138/18
Sarajevo, 18.12. 2018. godine

